

در سعادتده باب عالی جوارنده
داره مخصوصه

محل اداره :

مستطابق

خطار :

مستطابقه موافق آثار جدیدیه مع المنوبیه
قبول اولتور
درج ابدیه بن آثار اعاده اولتور

دیر، فلسفه، علوم، حقوق، ادبیات و سیاسیات و باطالع کرم سیاسی ذکر اجتماعی و مدنی احوال و مشوره اسلامیه در بحث ایدر و هفته در نشر اولتور.

آبونه بدلی

صاحب و مؤسسلری :

ابوالعلا زین العابدین - ح . اشرف ادیب

در سعادتده نسخه سی ۵۰ پاره در

سنة لکی التي آتلی

ممالک عثمانیه ایچون	۶۵	۳۵	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

تاریخ تأسیسی

۱۰ تموز ۱۳۲۴

قیرله دن مقوا بورو ایله کوندربیلیرسه سنوی
۲۰ غروش فضله آلنیر

عدد : ۹۳

۸ جاذی الاخر ۳۲۸ پنچشنبه ۳ حزیران ۱۳۲۶

در دنجی جلد

نفسیه شریف

انوارت آن

[الله] لفظ جلیلنده اختلاف اولنهرق بو لفظ جلیلک اصلی
[الله] اولدیغنی و فقط خاصه ذات جلیله دلالت ایچون وضع ایداش
علم اولوب یوقسه اصلی اولان [الله] کی حق و باطل هر معبوده
اطلاق اولنور اسم جنس اولدیغنی بیان ایله دیدیلرکه [الله]
لفظنک اصلی [الله] در . همزه سی علی خلاف الفیاس حذف اولنش
والف و لام اندن تعویض قلنمشدر . لفظ شریفده کی الف و لام
حرف اصلیدن عوض اولدیغیچوندر که حالت نداده همزه قطع ایله
[یا الله] دنیلیدی . اگر الف و لام اداة تعریف اولاییدی همزه
اسقاط اولنورایدی . [الله] فی الاصل اسم جنس اولمغله کرم نکره
و کرم معرفه اولهرق حق و باطل هر معبوده اطلاق اولندی حالد
صکره لری معرف باللام اولهرق [الله] دینلیدیکی زمان معبود
بالحقده استعمالی غالب اولمشدر ، بر حالده که نه زمان [الله] دینسه
واجب الوجود تقدس شانه حضرتلرینه منصرف اولور . لکن همزه نکره
حذفی و عوضنه الف و لام اتیانی ایله [الله] لفظندن مأخوذ اولان
[الله] لفظه جلالی معرف باللام اولان [الله] کی کثرت استعمال
ایله صکره دن علم اولیوب بلکه ابتداء جناب حقه علم اولهرق وضع
اولنمشدر و بناء علیه معبود بالحقک غیری به اصلا اطلاق ایدلماشدر .

★

لفظه جلالک اصلی [الله] در دیانلریدی فرقه یه آیریلهرق بر

فرقه سی دیدی که [الله] عبادت معناسنه اولان [الله] و [الله]
و [الله] دن مشتقد . فقط بو اشتقاقک معناسی : لفظ
مذکور مکتوب معناسنه کتاب کی مألوه و معبود معناسنه
اسم اولمق اوزره بونلردن مأخوذدر دیمکدر ، یوقسه اسماء اعلام ایله
اسماء اجناس مقابلنده ذکر اولنان صفت معناسنجه مشتق دیمک
دکدر ، چونکه بومعناجه مشتقلر صفتدر لر ؛ حالبوکه [الله] موصوف
اولور ، صفت اولماز و مثلاً [الله واحد] دینورده [شیء الله]
دینر ، نته کیم [کتاب مذکور] دینورده [شیء کتاب] دینر .
ذکر اولنان مصدرلردن فعل ماضی لامک فتحه سیله [الله] کلورکه
عبادت ایتدی دیمکدر . تعبد ایتدی معناسنه اولان [تالله] و [استالله]
ماضیلری ده مصادر مذکورده دن مأخوذدر لر .

معلومدر که فعل و حرفه مقابیل اولان اسم ، صفت ایله اسم
منقسمدر . صفت ایله اکا قسیم اولان اسم آره سنده فرق شودر که
صفت معنای معین اعتباریله ذات مبهمیه موضوعدر ، بنساء علیه
صفتلرده غرض اصلی معنائک خصوصیتی در ، ذاتک خصوصیتی اصلا
ملاحظه اولماز ، معنی هانکی ذات ایله قائم اولورسه اوزاتی اول
صفت ایله توصیف صحیح اولور ، مثلاً [احمر] کی که بوندن غرض
اصلی لاعلی النعین بر شینک قیرمزی اولدیغنی افاده ایتیمکدر ؛ واقعا
قیرمز یلغک برشی ایله قائم اولدیغنی ده اکلاشیله یورسه ده اوشینک نه
اولدیغنی اصلا معین دکدر ، قیرمز یلق هانکی شی ایله قائم ایسه اکا
قیرمزی دینه یلور . اسم ذات معینه ایله معنای مخصوصه موضوعدر ،
انده معنائک ذات اوزرینه رجحانی یوقدر : رجل کی که انسان ایله
معنای ذ کورتی هر ایکیسینی برلکده اولهرق افاده ایدر . بوراده
ذات ایله مراد مفهومیته مستقل اولان شیدر ، ایستر بنفسه قائم
اولسون : فرس کی ، ایستر غیر ایله قائم اولسون : علم و جهل کی .

و معنی ایله مراد [نسبه ما] بی مشتمل اولدینی جهتله مفهومیته مستقل اولیان شیدر. ذات معینه ایله ذات مبهمیه کلنجه: اولکیسی ایله شخصاً و یا نوعاً و یا جنساً کندوسنده بر تعین معتبر اولان شی و ایکنجیسی ایله کندوسنده بویله بر تعین ملاحظه اولنمیان شی مراددر. ذاتده کی تعین شخصاً اولورسه اومقوله اسم [علم] دینور، شخصاً تعین بولنمازسه [اسم جنس] اطلاق اولنور.

ایکنجی فرقه دیدی که عقول و افهام معرفت باریده متحیر اولدینی جهتله [اله] لفظی لامک کسریله تحیر ایتدی معناسنه اولان [آله] دن مشتقددر. بوصورته [اله] متحیر فیه معناسنه اولور. اوچنچیسی دیدی که قلوب ذکر الله ایله مطمئن اولمسنه یعنی سکون و آرام بولمسنه و روحلر معرفت بازیه وصول ایله کسب سکونت ایتمسنه مبنی [اله] لفظی، فلان ایله سکون و آرام بولدم معناسنه اولان [الهت الی فلان] دن مشتقددر. بو تقدیرجه [اله] مسکون الیه معناسنه اولور. دردنجیسی دیدی که حق تعالی حضرتلری خائقلرک پناکاهی اولدیغندن لفظ مذکور بر کیمسه خوفدن ناشی برکسنهیه صیغندی معناسنه اولان [آله] دن مشتقددر. بو قوله کوره [اله] مأمن و ملجأ معناسنه اولور. بشنچیسی: عباد هنکام تحن و شدانده جناب حقه تضرعه پک دوشکون اولدیغندن [اله] لفظی، فلان کیمسه فلان شیئه پک دوشکون اولدی معناسنه کلن [اله] دن مشتق اولدیغنه قائل اولدی. التنجیسی: لفظ مذکورک اصلی [ولاه] اولوب متحیر اولدی معناسنه کلن [وله] دن مشتق اولدینی و [وعاء] و [وشاح] کله لرنده و او اوزرینه کسره ثقیل اولدیغنه مبنی و او همزهیه قلب ایله [اعاء] و [اشاح] دیندیکی کی [ولاه] کده و او همزهیه قلب ایلدیکنی زعم ایتدی؛ فقط [اله] لفظنک [اله] اوزره جمعلمسنه نظراً بو زعم مردوددر، چونکه جمع تکسیر ایله تصغیر صیغه لری حروف منقلبیه اصله ارجاع ایلدیکندن اکر [اله] ک اصلی [ولاه] اولایدی جمعنده [اولهه] دینلمک لازم کلور ایدی. یدنجی فرقه دخی [اله] لفظنک اصلی [لاه، یاه] دن مصدر اولق اوزره [لاه] در دیدی. [لاه] ایکی معنایه اولوب بری تستر ایتمک و دیگری بلند و عالی اولمقددر. بو قوله کوره [اله] لفظی مبالغه فاعل معناسنده استعمال اولنش مصدردر و بومعناجه جناب حقه [اله] اطلاق ذات علیه سی ادراک ابصاردن مستر و شان ربوبیتی ناسزا اقوال و افعال و صفاتدن عالی و منزله اولدینی ایچونددر.

بعضیلری دیدی که لفظه جلاله بر اصل و مأخذدن مشتق صفت اولیوب بلکه ابتداء ذات جلیلک عامی اوله رق وضع اولنش بر اسمدر که اول ذات جلیلک و ارافنه و لذاته وجودی واجب ازلی و ابدی اولدیغنه و تنزیهی مشعر صفات سلویه ایله ایجاد و تکوینی مبین صفات اضافیهیه دلالت ایدر. لفظه جلاله نك اسم علم اولدینی اوچ وجه ایله ثابتدر. اولاً لفظه جلاله بشقه شی ایله وصف اولنور، کندوسیله بشقه شی وصف اولنماز؛ ثانیاً قانون وضع لغوییه نظراً ذات جلیل ایچون بر اسم لابددر که صفات علیه سی او اسم اوزرینه جریان ایتسون،

حالبوکه اسماء الهیه آره سنده لفظه جلاله دن ماعداسی ذات جلیله اسم اولمغه غیر صالحدر، زیرا لفظه جلاله ده معنای وصفیت ظاهر دکدر، سائر اسمای حسنای الهیه ایسه بالاخفاء صفات مشتقه دن اولدقلری جهتله انلرده معنای وصفیت ظاهر در. ثالثاً لفظه جلاله موجد عالم تعالی و تقدس حضرتلرینه علم اولیوب ده وصف و یا اسم جنس اولسه، بونلرک مفهوم لری کالی اولمسی حسیله افراد کثیره آره سنده اشترا که مانع اولیه جفنه و بوکا مانع اولیان شیئی ذات جلیله اثبات ایسه توحیدی استلزام ایتیه چکنه نظراً [لا اله الا الله] قولر توحید اولماق لازم کلور، حالبوکه بو قولک توحید اولدینی متفق علیهدر. بو مقامده شوراسی بیانملی در که مرء وجدال انحق معبود بالحقده اولدینی جهتله [لا اله الا الله] قولزده حصراً وجودی اثبات اولنسان [اله] ایله معبود بالحق مراد اولدینی کی نفی ایدیلن [اله] منکرده معبود بالحقه محمولدر. و بو قولرک کله توحید اولمسی ایشه بو اعتبار ایلدر.

بر طاقلری دیدی که لفظه جلاله فی الاصل ذات حق الوهیت ایله توصیف ایدی، او الوهیت که جمیع اسماء حسنا و صفات علایی جامع و [اله] لفظنک بتون اشتقاقلرنده احتوا ایلدیکی معانی عظمایی محیطدر. لکن شو مجموع امورک ذات باریدن ماعداسنده تحقیق ممکن اولدیغندن بعده غیره اصلاً اطلاق اولنماز درجه بو وصف جلیلک ذات جلیله استعمالی غالب اولدی و بوعلبه استعمال اکا علم کی اولنجه، بشقه شیلر ایله وصف اولنق و بشقه شیلر کندوسیله وصف اولنماق و اکا شرکت احتمالی طاری اولماق کی عامک جمیع اوصافی بو وصف جلیله جریان ایتدی.



تفصیلات مسروده دن اکلشلدی که شو اقوال ثلاثه دن قول اول ایله ثانییه کوره لفظه جلاله ابتداء ذات جلیله علم اوله رق وضع اولنشدر؛ فقط آره لرنده شو فرق وار که برنجی قائللر انک اسم اولق اوزره بر اصل و مأخذدن مشتق اولدیغنه و ایکنجی قائللر انک بر اصل و مأخذدن مشتق اولدیغنه ذاهب اولدیلر.

قول ثالث اصحابی ایسه لفظ جلیل مذکور فی الاصل وصف اولوب لکن ذات جلیلک غیریه اصلاً اطلاق اولنماز درجه ذات جلیله استعمالی غلبه ایتمکه اکا علم اولنش کی بر حاله کلدیکنی بیان ایتدیلر.

شو اوچ قولدن اظهر اولانی وجوه ثلاثیه مبنی قول ثالثدر. وجه اول بودر که باری تعالی حضرتلرینک یا علم و قدرت کی صفت حقیقه و یا معبودیت و رازقیت کی ایجاد و تکوینه دلالت ایدن صفت اضافیه سنی تدبر و تأمل ایتمکسزین ذات علیه سنی من حیث هو ذاته تعقل بشر ایچون ممکن دکدر؛ شو حالده ذات بارییه بخصوصه دلالت ایدر بر لفظ وضعی قابل اولماز، واضع ایستر جناب حقدر دیلم، ایستر واضع بشردر دیلم. واضع الفاظ جناب حق اولدینی صورتده بونک قابل اولماسی چونکه بر لفظی بر معنی ازاسنه تخصیصده حکمت اولفظ ذکر اولدینی زمان اومنایی بزه تفهیم ایلدکدر، بوایه انحق

انوار عظمت الهیه نك اشعه سی مسای مقدسین اسم شریفه انعکاس
ایتمش ده نگاه تأمل آتی ادراکدن قاصر اولمش — ق، ش، کلیات
ابی البقاء.



رحمن ایله رحیم [رحیم] دن مبالغه ایچون بنا ایدلش صفت
مشبه درلر. رحمت: لغتده، رقت قلب و انعطاف معنا سنه در. جناب
بارینک کیفیات نفسانیه ایله تکلیفی مستحیل اولدیفندن بو صفتلر ایله
توصیف اولنسی مأخذلرینک غایه و مسیبه اولان تفضل و احسان
اعتباریله در. زیاده بنا زیاده معنایه دلالت ایدر دیه مشهور اولان
قاعده اکثریه مبنی [رحمن] صفی [رحیم] صفتدن ابلقدر. معنایه
زیاده لك بعضاً کمیت و بعضاً کیفیت اعتباریله اولور. شو حالده
[رحمن] ده زیاده معنائک باعتبار الکیه اولدیفنه نظر ایدیلورسه
چونکه جناب حقلک دنیا ده آثار رحمتی ذات علیه سنه ایمان ایدنلرله
ذات علیه سنی انکار ایدنلرک جمله سنه عام و شامل اولوب نشئه اخرا ده
ایسه آثار رحمتی مؤمنلره مختص بولن دینی جهتله آخرته کی آثار
رحمتک کمیتی دنیا ده کی کمیتی قدر اولدیفندن [یارحمن الدنیا و رحیم
الآخرة] دینور. [رحمن] ده زیاده معنائک کیفیت اعتباریله اولدیفنه
نظر اولنورسه چونکه نعم اخروییه نك کافه سی جایل اولوب نعم
دنویه نك ایسه بعضیسی جلیل و بعضیسی حقیر اولغله [یارحمن الدنیا
والآخرة و رحیم الآخرة] دینور — ق. ش.

رحمن ایله رحیم رحمتدن مشتق درلر. رحمت قلبه الم و پروب ده
صاحبی غیره احسانه سوق ایدن بر معنی در. جناب حق آلام
وانفعالاتدن منز اولدیفندن ذات الوهیتنه نسبت ایله رحمتدن مقصود
اولان معنی اثری بولنان احساندر. [رحمن] لفظی بروصف فعلی در که
انده فعال کی معنای مبالغه واردر و استعمال لغتده عطشان و غضبان
کی صفات عارضیه دلالت ایدر. رحیم لفظی ایسه علیم حکیم حلیم
جلیل امثالی ناسده کی اخلاق و سجایا کی استعمالده معانی ثابته
دلالت ایلر. قرآن، صفات مخلوقینه مماثلتدن بالاتر بولنان صفات
الهییه بلاغت ایله حکایه ایدن اسلوب عربیدن خارج اولدینی جهتله
رحمن لفظی کننیدن بالفعل آثار رحمت صدور ایدن ذاته دلالت
ایدر، آثار رحمت افاضه نعم و احساندر. رحیم لفظی دخی بو رحمت
و احسانک منشأ سنه و بورحت و احسانک صفات ثابته لازمه دن اولدیفنه
دلالت ایلر. بومعنایه کوه بواکی وصف نه بری برندن مستغنی در،
نده ایکنجیسی آریجه بر معنای مفید اولیوب ده مجرد اولکی صفتی
تأکیداً کش اولور. بر عرب حق جل و علا حضرتلرینک [رحمن]
ایله توصیفی ایشیدوب ده بوندن جناب حقلک بالفعل مفیض نعم اولدینی
فهم ایتسیله رحمتک ذات الوهیتی ایچون علی الدوام لازم اولان صفاتدن
بولدیفنی اعتقاد ایتز، زیرا بر فعل ولوکه کثرتله وقوعه کلسون
صفت لازمه ثابته دن نشأت ایتامش بر امر عارض اولنجه بعضاً منقطع
اولور، شو حالده متعاقباً [رحیم] لفظی ایشیدنجه اعتقادینی حق تعالی
حضرت رینه لائق ذات الوهیتی خشود ایدر وجه ایله اکمال ایدر — ع.

بشرک تعقل ایلدیکی معانیله اوله بیلور. واضع بشر ایسه ذات بارییه
بخصوصه دلالت ایدر بر لفظک وضعی قابل اولدینی ظاهر در،
چونکه بر لفظی معنی ازاسنه وضع او معنای تعقلک فرعی در. فقط
بو شق ثانییه قارشو شو اعتراض وارد اولور که بشر ایچون بکننه
تعقل ایتدیکی بر شیتک ازاسنه بر لفظی وضع ایلک ممکن دکلسه ده
ذات جلیلی وجهاً ماتصور ایدوب ده ازاسنه بر اسم وضع ایتسی جائدر،
بو حالده واضع بشر اولدینی تقدیرجه ذات بارییه بخصوصه دلالت
ایدر بر لفظک وضعی ممکن دکدر قضیه سی مسلم دکل. ایکنجی
وجه بودر که لفظ جلاله فی الاصل رصف اولیوب ده ذات جلیلک
اسم عکمی اولسه. [وهوالله فی السموات و فی الارض یلم سرکم
و جهرکم] قول کریمک ظاهری معنای صحیح افاده ایتز، زیرا ظاهر
اولان بودر که [فی السموات] ظرفی لفظ جلاله متعلق در، اگر
لفظ جلاله فی الاصل وصف دکلسه نه اصلی اعتباریله ونه وقت استعمالده
معنای فعلی تضمن ایله چکی جهتله ظرفک کندوسنه تعلقی صحیح اولماز.
وبناء علیه آیت کریمه ظاهرینه حمل اولنجه معنای صحیح افاده ایتز.
واقفاً [فی السموات] ی [یلم] جمله سنه متعلق قلمقده ممکن در که
بو تقدیرجه [یلم] جمله سی خبر ثانی و یاخود خبر [یلم] جمله سی
اولوب لفظ جلاله مبتدیان بدل اولور. فقط بو توجیه آیت کریمه
بلا ضروره ظاهرندن صرف الکی مستلزم بر توجیه در. اما لفظ
جلالیه فی الاصل و صفدر دینیلورسه اصلی اعتباریله معنای فعلی
مشمول اوله جفتدن ظرفک کندوسنه تعلقی صحیح اولور و او حالده
نظم کریم [وهو المستحق للعبادة فیهما] معنایی افاده ایدر، نته کیم
اکثر اهل تفسیر معنای آیت بو اولدیفنه ذاهب اولمشلر در. اوچنجی
وجه بودر که اشتقاقک معنایی ایکی لفظدن بری معنی و ترکیب دیکرینه
مشارک اولمقدر، بو معنی ایسه لفظ جلیل ایله ذکر کی کچن اصلار
اردسنده موجود در، چونکه آنکله اصول مذکور بپننده بومشارکت
متحقق در، شو حالده لفظه جلاله اصول مذکورنک برندن مشتق
اولق کرکدر، مشتق اولنجه فی الاصل وصف اولسی لازم کلور.
فقط بو وجه اخیر قارشو دینور که مشتقلرک بهمه حال صفت اولمری
لازم کلیه جکندن لفظه جلالک مشتق اولسی فی الاصل وصف اولسی
اقتضا ایتز، ایشته اسم زمان، اسم مکان، اسم آلتلر، بونلر مشتق
اولدقلری حالده صفت دکدرلر، چونکه بر نوع تعین ایله معین ذواته
دلالت ایدیلورلر.

بعضیلری لفظه جلاله نك لفظ سریانی اولدیفنه ذاهب اولدی.
بونلر دیدیلر که لفظ جلیلک اصلی سریانیجه [لاها] ایدی، صکره
الف اخیرنک حذف و کله نك اولنه الف و لام اتیانی صورتیله تعریب
اولنهرق لسان عربییه نقل ایدلشد.

جناب بارینک ذات وصف علیه سی انوار عظمت و استار جبروت
ایله محتجب اولدیفندن عباد انک ذات و صفاتنده واله و حیران اولدقلری
کی اکا دلالت ایدن لفظده ده اسم و یا صفت، مشتق و یا غیر مشتق،
علم و یا غیر علم در کی نیجه صورت و ذهابلر ایله متحیر قالدیلر؛ کویا

بویا یکی وصف شریفک تخصیص بالذکر بیورلمسی جمیع اموره کندنندن استعانه اولنمغه سزاوار اولان ذات علیه نك عاجل و آجل ، حقیر و جلیل بتون نعمتلی احسان ایدن بر معبود حقیقی اولدیفنی اهل عرفان اولان بیلسونده کلیاً جناب قدسه توجه و حبل توفیقه تمسک ایدرک ذات الوهیتک ذکر یله واندن استمداد ایله درونی ماسوادن مشغول قلنسون ایچوندر ، چونکه حکمک مشتقه تعلیق مأخذ اشتقاقک اوحکممه علیتنی افاده ایدر . ایدی حکم استعانه رحمن رحیم اولان الله تعلیق اولنمسنه نظراً بواسماء شریفه نك مساسی بتون نعمتلی احسان ایدن بر معبود حقیقی اولوب بونکچون ذات علیه سندن استعانه ایدلیدیکنه عارف اولانک مطلع اوله جفی شبه سزدر — ق ش .



کتب طیه مطالعه اولنسون ، اعضا واجزاء بدنن هر برنده تولدی ممکن اولان اسقامه اطلاع حاصل ایدلسون ، صکرده حضرت بارینک عقول خلقی معادن و نباتات و حیواناتدن اقسام اغذیه و ادویه بی بیلمکه فصل ارشاد ایدلیدی تأمل اولنسون ، او وقت آثار رحمت الهیه نك فصل بر بحر بی پایان اولدیفنی اکلاشیلور . جالینوس حکایه ایدردی که اعضاء عینک منافعی حقنده کی کتابی تصنیف ایدلیم زمان کوزده بر موضعه النقا ایدن مجرّف ایکی سیکرک خلق و ایجادنده کی حکمتک ذکرینی ناسدن دریغ ایتیم ؛ صکره عالم منامده کوردم که کویا سمان بر ملک نازل اوله رق بکا شویله خطاب ایتدی : یا جالینوس ! الهک دیور که بنم حکمتی نیچون جالینوس عبادمدن دریغ ایلدی . در حال اویاندم و بو مبحث حقنده آریجه بر کتاب تصنیف ایلدم . ینه جالینوس دیر ایدی که دالانم شیشدی ، بیلدیکم نه وار ایسه انکله معالجه ایتدم ، هیچ نفی اولدی . صکره هیکله کوردم که سانکه سمان بر ملک نازل اولدی و بکا خنصر ایله بنصر ارسنده کی طماردن قان المنی امر ایتدی . علامات طبک بک چوقی اوائل حالده بو کبی تشبیهات و الهاماته منتهی در — ف .

نسخه سالفه ده تصحیح

صفحه	ستون	سطر	خطا	صواب
۱	۲	۷	انلرک	انلر
۳	۱	۱۱	باشلادم	باشلارم
۳	۱	۲۶	نه کبی	نه که

افاده مخصوصه

دار الخلافه العالیه نك مواقع مختلفه سندن و ولایات شاهانه نك قریب و بعید بعض محالندن وارد اولان مکاتیب و محرراتده انوار قرآن حقنده لطفاً بذل التفات اولنیور . و طرز تحریرینه دائر بعض مطالعات تردیف ایدیلیور . محضاً بر اثر نزاکت اولمق اوزره رایکان بیوریلان شو توجه و التفات عرض شکران اولنور . مطالعاته کلنجه ایکی قسم اولوب بر قسمی تفسیرک ده مفصل یازلمسی تکلیفی متضمندر ؛ دیگر

بالعکس سورة جلیله نك مابعدینه کچلمسی تمییزی اظهار ایدیور . بو سورة شریفه نك تفسیرنده یازیلان مباحث متنوعه نك سطور و صحائفدن نه درجه زبده و تلخیص ایدلمش اولدیفنی و نیجه واسع مبحثلر جمع اولنهرق الفاظ و جیزه واضحه ایله افاده ایدلیدی ، مأخذلره واقف ذوات افاضل نزدنده معلوم اولمغه امان نظر ایدیلورسه بو سورة کریمه ده انوار قرآنک آرزو اولنان تفصیلاتی احتوا ایدلیدیکنی بیانه حاجت قلمیه جفنی برنجی قسم اصحاب مطالعه یه ، و سورة فاتحه ده ویریلن تفصیلات اثر سلفه اقتداء بو سورة جلیله یه مخصوص اولوب بر قاج نسخه صکره سورة نك مابعدینه خجیله جکنی دیگر ذواته عرض ایدرم . برکت زاده اسماعیل هفی



مصاحبه

دو صبح شفقابه برابر اویاندم . دیده افاق ، هنوز غمخوری خواب ایله بی تاب ایدی . هوای مساعد بولدم . قیره طوغری بر صبح کزینتیمی یاهیم دیدم . کیمسه یی راحتسز ایتهدن کیندم . قرق بدنن صکره بسبتون دلداده رفاتی اولدیغ یار وفا کارمی ، هر حاله ، هر ثقلتمه متحمل اولان انیس غمکسارمی آلوب سواقغه حیققدم . رفیقکم [۱] نك ایاغنه مربوط دمیر پارچه سنک یوله بک . مبدول اولان غرانیتلره فواصل متساویه ایله تمانسندن متحصل صدای موزونی تفکراتمه ، یاخود تفکراتمی اوصدای موزونه اویدیره رق کیتمه باشلادم . صبح ربیمک لطافتی وجودمه بر زنده لک ویردی . ذهنمده غریب بر فعالیت اویانیدردی .

اطرافه باقدم ، هریر اویویور ایدی ، یالکز آشیان سکونلرنده هنوز اویانان قوشلر رخاوت نومی ازاله ایچون یووالرینک کنارنده قانادلرینی کاه بر استقامت افقیه یه طوغری برر برر تمید ایتمکه ، کاه تقلید پروازی اکیدر بر وضع مخصوص ایله ایکسینی بردن اهتزاز ایتدیر مکده ایدی .

صول طرفده کی بیوک بر میشه اغاجنک کشیف دالاری اراسنده آشیان طوتان بلبل صباح درسنه باشلامش ایدی . تقریری اکلایه جق صباخ قابل آزار کبی هر طرفه توجه نگاه ، آره صروده تبدیل مقام ایدن بو بهار عاشقنک کریه جوشا جوش حسرت یه یاخود خنده کرما کرم وصلته بکزمین سلسله لغماتندن بک متأثر اولدم . بو لغماتنک عقل ایچون علت موجبه سنی ، مدلول صحیحنی تعیین مشکل ایدی .

فقط عقلک حکمنی ، قوتی دائماً کبرو براقان حس قلبی ، ذوق وجدانی بلبلک دستکاه صنعتنده نسج ایلدیک کالای الحانک تار و بودی مشابه سنده اولان حالت روحیه یی اکلامقده کوچلک چکمبور ایدی . غناییک هر نغمه سی کوکلک بر تلینه طوقونوب اهتزاز ایتدیر مکده ، روحی او پرده نك ، او اهتزازک حصوله کتوردیکی حس ایله متحسس ایلکده ایدی . بن بوسورتله متحسس ، متأثر اولدقجه بابلک روحنده